

Dunya Lahi Nuvuu Lonyisia Va

Magona Yepei

A jifa kiliyei na ke numu vuu kpelee ti maa hewulei lo towa kpaupau le laha va, tonya kee ndileli duniyu.

A jifa ngawuleehu kee baagbuala nuvugaa ti lonyisia ma ti wanga a pie hindangaa na hii i wotea a nemahugili waa nuvu ma, dunya ninahu mia mahoungo muvu i gu i yepe kia ngi longola, kee ngi lanaye kee ngi lima hinda.

A jifa maa ii houni nu mu vuu i wote a ko gomo mahaya nyamu nyamu kee nduwo ya yeya, ke mahoungo sawei i nuvu lonyii mavale,

A jifa mahoungo ndiamoyei na ndolesialuah i leguloma,

A jifa nungei nasia ti ndolei kpele ti woyilei na hu ti lanaya genga kolo yayilingoihu,

Kee nuvu lonya, ngi nuvu ya, ngi yepei kee hindui taa nyahii ti lonyei maahewu lei, kee gboma ti ti lia yilinga ko yange yange kee ndevu yekpe la i le guloma.

A jifa ndolei nasia ti duniy hu ti lahei wumbua a ngoyila koo ti to ke baago ma a yelo na nuvu va kee ngi lonya ya va,

A jifa kiliyei yaa numu kpelehu hinda yayilingoi ji a lelo guloma,

Fale naa

Komewai na ta toli a

Genela Asembili

Ndenga Ye

Dunya Lahei ji nuvu lonyinsia va i wote a gaiki numui kpelee kee ndolei kpelee va nahii ke numu gbi oo ngoyila hugbate gbi na hinda yayilingoi ji ngi enmahu kpotu i lapi kpugu kpugu a numu gaalahu wie i to ke bagoma iye tonei jisias ma kee hugbembai jisias nungei nasia weti yei ndoo kpele hugbatai ji hu, kee nasia ti ndolongaa hu nahi tii yee ndolo kpele hugbatei jisias bu.

1. Ngayilii Ye Ngilei

Numuvuisia Kpelee ta ti le te ye nduwo ya hu, tao ti nuvu yei kee ti lonyi maa hewungo. Kiiya kee hindaluuha goola a yelo ti hun. Fale mahoungo ti ti nyonyohu hoi kia ndeegaa.

2. Ngayilii Ye Fele Yei

Hugbatei ji numu kpelee lo va, nu genyei, ngi luwu yegii, nyaha oo hindgo, nu layia, Ngewoi na a feli, ngi gilee yei, ngi le gi kee ngi gbate ii ma.

Tao maa ii houni nduahu ge i waa nungaa luahu jifa tii gbuani ndolo yilahu, oo jifa tia heini ti yekpe va oo tii yekpe va.

3. Ngayilii Ye Sawa Yei

Nuvu gbi ngi lonya mia koo ndevu i ye ngi hu, koo aa ye nuu bu, tao koo mahungbee i ye ngi ma.

4. Ngayilii Ye Naani Yei

Maa ii houni ti numu gbi hou nduwoya hu, oo ti ngi waa monemone hinda hu, maa ii houni nuu maajia va nduwoya hu, tao gboma mahoungo nduwoyei ye keyi kgbi lekee i gbayo.

5. Ngayilii Ye Loolu Yei

Maa ii houni koo ti kpaagba hinda la nuu gbi ma, tao koo ti hinda wee a numu na a ke ke nuvu yaa a ngie.

6. Ngayilii Ye Weita Yei

Nuvu gbi lee ngi lonya mia koo sawei i baagoo ngi nuvu ya ma mia leke gbi.

7. Ngayilii Ye Wofila Yei

Nuvu kpelee ti maahewungoe sawei gulo, tao mahoungo sawei i ti mahu wee nahi gbi ee ti hu woyo. Mahoungo sawei i to ke hugbatei ji ee numugbi gbukpuu.

8 Ngayilii Ye Wayakpei

Nuu gbi ngi lonya mia koo sawa kpaambu ngaa yekpe ti ngi lonyei mavale a watii na ngi lonyi nasia ndoo jawei keni numu a nyani ngi ma.

9. Ngayilii Ye Taalui

Maa ii houni ti numu magba, ti ngi wu kpegbema oo ti ngi gbe ngi yee a baama hu we.

10. Ngayilii Ye Puui

Nuu gbi ngi lonya mia nahii ti la nyongaa ngi ma te i ngi maahinda gulanga kolchu oo i sawa kpoukpou nyaninga, koo ti ye njie na le fofohu, tao koo sawakpambu jein jein gongaa ti loo ngi va.

11. Ngayilii Ye Puu Mahuyelei

Nuu gbi ngi lonya mia nahi ti la nyongaa ngi ma hinda ngamu va, taa kiti lewe haani ti ye njie na le fofohu, tao ti jia a sawe panda pandaa.

Maa ii houni ti baa nuu gbi ma a sawahu wee - ndoo yila jawa yo oo ndunya kpelee jawa. Tao gboma maa i houni sawei i kpagbaa la nuu ma na kaahu lewengo sawei na ma i nyanini.

12. Ngayilii Ye Puu Mahufilei

Maa ii houni nuu i ye na nahi ta loko wili ngi bundu hinda hu, ngi ye pæbu hinda, kolei kee ngowili na a pili ngitiwoma kia lee ti longola, kee karpama a baagbuama hu we. Maa houngo sawei i nuu gbi maawee yee karpamei ji bondayeya.

13. Ngayilii Ye Puumahu Sawei

Mahoungo numu gbi i ye hugbembu hu koo i li mia leke gbi ngi longo i li na, tao koo i hei ndoo gbi leke hu ngi longo i heihu.

Nuu gbi ngi lonya mia koo i gbuu ndolo yila hu i li peka hu, i wee a ngi yee oo mbaa tinda, tao koo i yama ngi ndei na hu mia i gbuana.

14. Ngayilii Ye Puumahu Naanii

Nuu gbi lonya mia koo i ngi yaama lowu karpama yeye ndoo yeka hu, tao koo i nganei gbuana.

Ye sawei ji ee lekpe gbi naleke ye numui ji i ndolo jawa nyanini, tao i hinda gbulananga na ndolo woyila hugbatei i loila.

15. Ngayilii Ye Puumahu Looli

Nuu gbi lonya mia koo i wote a ndololii.

Maa i houni koo ti nuu gbi baa a ngi lolii ya, oo koo ti ngi baa a ndololii ya ndoo yekahu.

16. Ngayilii Ye Puumahu Weitei

Hindui taa nyahii na ti lakpango ta soowelo ti ndengaa le, ti genye ii yeni bee yila, tii yeni bee a ndolo yila hunblaa, oo Ngewo veli gbambi yila ma. Ti lonye maahewungo soova, soochu, oo ji ta lo ti gole.

Koo hindui taa nyaha ti soowee, a nee peig ti veinja we.

Bondei mia ndolei yei kpokui le, fale maahoungo heimii ke ndolo gbi ti bondei mahu gbɛɛ kpɔtu kpɔtu.

17. Ngayilii Ye Puumahu Woilei

Nuu gbi lɔnya mia koo i ngi wuma haakangaa majoo, tao gboma koo taa nungaa ti makpoma haaka majoo.

Te nuu gbi haaka gbua ngi yeya kia leke ti longola.

18. Ngayilii Ye Puumahu Waykpei

Nuu gbi lɔya mia koo i kiiya wee, koo i giila gbɔɔ tɔnyei le oo gbɔɔ i lɔnyani, Ngewɛɛ ye gbɔɔ ngi longo i feli, ye tɔnye ji a ngi jein jein lo koo i ngi giliyei oo ngi yewoilei wote, I wote bɛɛ atayakpe oo taa nungaa, fofohu oo sokuma, koo i nungaa gaa a ngi ngliyei kɛɛ ngi yewo hindei.

19. Ngayilii Ye Puumahu Taalui

Nuu gbi lɔnya mia koo i kiliya wee tao koo i yee kiiyeina le fofohu, yee tɔnyei ji a peelo yee kiiyei ji nuu gbi ɛɛ gbekpa kulo, tao koo i nemahulee kɛɛ ngowii majoo tao koo ta bɛɛ i fe nungaa wɛ a pele gbi hu we, nahi bandowoma gbi ɛɛ waa nduah.

20. Ngayilii Ye Nugboyɔngɔ

Nuu gbi lɔnya mia koo taa nungaa ti gome, tao koo taa teini ti lee, i na lee hinda huwu va ii le.

Teɛ nguaa numu gbi la a kpɔli hale koo i wote a komɛ ma mo.

21. Ngayilii Ye Nugboyɔngɔ - Mahuyelei

Nuu gbi lɔnya mia koo ngi loko i ye ngi guameti hindeihu, ke bɛɛ ta vulii i yehu oo nungaa tia vulii ta lokoloo ti ma.

Nuu gbi lɔnya mia koo ngi loohu guameti hugbate wie ngoisia ti hiti ngi ma kia lee ta hiti nungaa ye pekeisia ma.

Nungaa mia maahoungo ti ti guameti hei, ti gbayeɛ mia a pie a yenge, hulembinga ta yamalo ti kolei gula, tao ye kolei ji a kgula bunduhulo, nahii nungbi ɛɛ gbekpa numu gula.

22. Ngayilii Ye Nugboyɔngɔ - Mahufeɛɛɛ

Numu gbi lee ndolɔlii a ngie, ngi lɔlei kpoma hugbate wie ngi va, tao koo ngi lɔlei taa ngitiwoma hugbate ti pee ye kpoma hugbatei na i foo ngi ma, tao a majoo kialeke ngi lɔlei gbatei kɛɛ ye saweisia ti na, gboma kia lekee ye numui bɛɛ ngi hami gii na, koo wei i legulo.

23. Ngayilii Ye Nugboyɔngɔ - Mahusawei

Numu gbi lɔnya mia koo i yenge, tao koo i ngengei na wie ngi longola, koo i mbelɛhei majoo ngengemei, tao koo ti to kengengei ɛɛ ngi lo.

Numu gbi lɔnya mia, nahii nduah gbiima, koo ti ngi pawa kia a yenge la.

Nenge mogbi lɔnya mia koo ti ngi pawa nahii ta kɛɛ ngi mablaa ta ti magbee gbualo hu kia nuvu, tao gboma koo kpoma yeka i yena ngi va.

Nenge mogbi lɔnya mia koo i wili hugbatehu na ngenga blaa ma vale.

24. Ngayilii Ye Nugboyɔngɔ - Mahunaani

Nenge mogbi lɔnya mia koo i levu tao koo i kpele yeka gbua, tao gboma koo aa nenge huguangoo waa wie, mahoungo gboma i yaa a ndevu wati majoo, nahi i yaa ye ndevui na wie ma ta yaalo a ngi pawa.

25. Ngayilii Ye Nugboyɔngɔ - Mahuloolui

Numu gbi lɔnya mia koo ta kɛɛ ngi mablaa ti ye kaahugbua hu, ti meheɛ yekpe me, ti kula yekpe yili, ti la ndama yekpe, ti hale yekpe majoo, tao gboma guameti i ye na ti va, hugbate yekpe i yena ngi va a watii na ɛɛ ye ngege hu, a watii na ngi heigengo, watii na ngi wovang, kɛɛ watii na hinda a wa ngi mahu nahii ɛɛ gumbu.

Mahoungo gboma hugbate i ye na kuimeisia kɛɛ ndengaa va. Mahoungo ndengaa kpeɛɛ, naa ti ke taa ti njeni ti soohu oo tii soohu, ye hugbatei ji i ti maa weɛ.

26. Ngayilii Ye Nugboyɔngɔ - Mahuweitei

Numu gbi lɔnya mia koo i kolo gaa. Maa ii houni navoo hinda i ye kolɔgaala ma, ke bɛɛ i wote a ye totomɛi. Mahoungo kolo gaalei i wote a sawa kpawu kpawu na ndo gbi e gbuama ye totoomi. Nyandengo koo nenge kolongaa i yna kpoto, kɛɛ kolo yalngo gaalei naa va ti nemabu lewengo.

Kolo gaalei i wote a hinda na a nuu le guloma, ngi lɔnyisia kɛɛ ngi hugbemboi. I loko hei hinda yawubu gaola, hinda bu houla kɛɛ ndiamoya dunyei kpeɛɛ luahu, kenyeisia kɛɛ Ngewo veli gbambisia luahu, tao kpaya waalo ndolo kpele woyila yenge lukuisia hu koo ndileli i li guloma.

Bondeisia ti wote a haala bla ta ke na kaa ye gbɔɔ ti leingaa ta pee.

27. Ngayilii Ye Nugboyɔngɔ Mahuwɔfilei

Numu gbi lɔnya mia koo ngi loko i ye mia a yena ye kondi hinda hu, i ngaa nɛɛ ye ye mbembeɛ hu kɛɛ sayensi ye tekulomii taa ye nafei.

Numu gbi lɔnya mia koo mahugbee kpɔtu kpɔtu i ye ngi gbate hani ma, i ye a ngole oo hani lalango oo sayensi haaka.

28. Ngayilii Ye Nugboyɔngɔ Mahuwayakpei

Numu gbi lɔnya mia koo ngi yee jawa kɛɛ ngitiwoma gee i yena, na a to ke dunya lahei jisias ta hitilonga.

29. Ngayilii Ye Nugboyɔngɔ Mahutaawui

Numu gbi lee, mia i heina, tao a lena guloma, mahouingo i na hinda hou a loko veinja.

Ji numu a ye ngi lɔnyei kɛɛ ngi hugbemboi ya yenge ma, na lee a wote a kpeɛnguu a wee a saweilo naa a nuu wekeisia ti lɔnyei kɛɛ ti hugbemboi ma vale, kɛɛ numu kpeɛɛ ti maahinda va ngoyila loohu.

Numu e ye tɔnyei jisias kɛɛ hugbemboi jisias yayenge nahi kpuango pilei na ma, tao gboma ɛɛ pinde kaa na wooma na ndolo kpeɛɛ gomei ti ndani.

30. Ngayilii Ye Numugboyɔngɔ Mahupuui

Gbewogbe gbi na kolei ii hu na nu mu a nde ye kenga ti puilo na koo i ndolo oo ngoyila hugbate leenga ti lɔnyei kee ti hugbemboi mahugbua.